



Broj:27-04-8603-23/20  
Sarajevo, 15.04.2020. godine

**SKUPŠTINA KANTONA SARAJEVO**  
**-OVDJE-**

**Predmet: Odgovor na zastupničku inicijativu**

Ministarstvu komunalne privrede i infrastrukture dostavljena je zastupnička inicijativa zastupnice Amre Junuzović- Kaljić u vezi rješavanja pitanja proširenja Gradskog groblja Vlakovo i izgradnje krematorija.

Shodno navedenom, dostavljamo vam sljedeći

**- o d g o v o r -**

Općinsko vijeće Ilidža donijelo Odluku o pristupanju izradi regulacionog plana groblja „Vlakovo“ kojim je obuhvaćeno proširenje groblja, izgradnja infrastrukture, kao i ozelenjavanje grobljanskih površina, izgradnja centralnog objekta sa krematorijem i memorijalnim centrom, proširenje parkinga, ali i drugih objekata važnih za kompleks gradskog groblja „Vlakovo“ . Inicijativa za izmjenu i dopunu RP „Groblje Vlakovo“ pokrenuta je od strane KJKP „Pokop“ d.o.o. Sarajevo, u cilju izgradnje sadržaja neophodnih za funkcionisanje groblja kao komunalnog objekta a radi odstupanja od usvojenih odrednica iz RP-a „Groblje Vlakovo“ („Službene novine Grada Sarajeva“, br. 18/90); potrebe za izmjenom obuhvata –proširenje sa 85,2 ha na 125,4 ha. Za proširenje Gradskog groblja „Vlakovo“ predviđene su nove lokacije na parcelama između autoputa i zapadne granice groblja Vlakovo, kao i lokacije na jugozapadnoj granici obuhvata. Također, radi obezbjeđenja više mjesta za sahranjivanje umrlih lica izvršena je prenamjena uređenih zelenih površina i parcela za kolumbarije u nova grobna polja u istočnom dijelu obuhvata čime je izvršena izmjena planiranog koncepta -pejzažno komunalno Groblja.



Izgradnja novih grobnih polja uticala je i na izmjenu planirane interne saobraćajne kolsko-pješačke mreže koja je prilagođena novom izvedenom rješenju. Izmjena Plana se vrši radi usklađivanja sa izvedenim stanjem.

Nakon usvajanja RP „Vlakovo“ bit će stvorene pretpostavke za daljnji otkup i uređenje zemljišta, a u skladu sa stvarnim potrebama Preduzeća. Ministarstvo komunalne privrede i infrastrukture kontinuirano poduzima sve aktivnosti na otkupu i uređenju zemljišta, te je u svrhu realizacije uređenja gradskog groblja “Vlakovo”, Ministarstvo planiralo sredstva u Budžetu Kantona Sarajevo za 2020. godinu u visini od 600.000,00 KM.

Vezano za izgradnju krematorija sa komemorativnim centrom i pratećom strukturom, napominjemo da je Ministarstvo komunalne privrede i infrastrukture Kantona Sarajevo pripremlilo Uredbu o upravljanju i održavanju groblja i obavljanju pogrebnih djelatnosti. Međutim, za provođenje navedene Uredbe potrebno je obezbijediti dodatna sredstva u Budžetu Kantona Sarajevo i to sredstva za opremanje i stavljanje u funkciju mrtvačnice, kao i za realizaciju Uredbe u segmentu kremiranja.

Nakon usvajanja Regulacionog plana i pribavljanja relevantne dokumentacije o riješenim imovinsko-pravnim odnosima, Ministarstvo komunalne privrede i infrastrukture će pružiti punu podršku za daljnju realizaciju predmetnog projekta.

Bitno je napomenuti da je Dopunskom presudom broj: U-21/09 od 21.10.2015. godine, koju je donio Ustavni sud Federacije Bosne i Hercegovine, stavljen je van snage Zakon o komunalnim djelatnostima (“Službene novine Federacije Kantona Sarajevo”, br.: 31/14, 21/05 i 36/14) zbog povrede prava Grada Sarajevo na lokalnu samoupravu. Naime, Zakonom o principima lokalne samouprave u Federaciji Bosne i Hercegovine, između ostalog, propisano je da u vlastitu nadležnosti jedinice lokalne samouprave posebno spada upravljanje, finansiranje i unapređenje djelatnosti i objekata lokalne komunalne infrastrukture-gradska groblja. S tim u vezi, Zakon o komunalnim djelatnostima je na snazi do donošenja Zakona o lokalnoj samoupravi koji je osnov za donošenje, odnosno usklađivanje Zakona o komunalnim djelatnostima, kojim će se utvrditi nadležnost za upravljanje, finansiranje i unapređenje djelatnosti i objekata komunalne infrastrukture.

**MINISTRICA**

**mr.sc. Nihada Glamoc, dipl.ing.maš.**

Dostaviti:

1. Naslovu;
2. Stručna služba Vlade Kantona Sarajevo;
3. evidencija;
4. a/a.



web: <http://mki.ks.gov.ba>  
e-mail: [mki@mki.ks.gov.ba](mailto:mki@mki.ks.gov.ba)  
Tel: + 387 (0) 33 562-086,  
Fax: + 387 (0) 33 562-177  
Sarajevo, Reisa Džemaludina Čauševića 1

